



# A PIAZZETTA

INFORMAZIONE CORSA, AZIZUME È SCHERZO - #23 - AUTUNNO 2015

0€  
00

*Corsican*  
Consumerissimo  
DREAM



# NEWS

iè, hê tuttu veru !

## HANTZ IN CAMPAGNA


Frédéric Hantz hè sempre popolare assai in Corsica, puru s'ellu hà attaccatu u Sporting à i prud'hommes.



In So Foot, v'ancu più luntanu ch'è i nazionalisti radicali. Parla di « *une invasion de la France qui n'a jamais été reconnue. Je pense que la Corse lutte symboliquement contre la France à travers le football.* » Forse vole ancu organizà a rivincita. : « *Quand tu arrives là-bas, tu te prends l'histoire de l'île en pleine gueule. Quand tu vas jouer ou entraîner dans un club corse, tu sais que tu vas ailleurs*

*que Toulouse, Bordeaux, Saint-Étienne ou n'importe quel club français.*

*Je dis « français » volontairement, car on peut dire ce que l'on veut, la Corse, ce n'est pas la France et il faudrait que tout le monde l'admette. » S'ellu ùn trova micca una piazza d'intrenore, forse pò truvà una piazza nant'à una lista à e territoriale.*



## ESTROSI

I Corsi si lagnanu spesso di i so eletti. Ùn si sente in permanenza ch'è no « *avemu l'eletti ch'è no meritemu* » ? Ma ch'è pensà allora di i Nizzardi. U merre ch'elli anu elettu, Christian Estrosi, hà dettu à u giornale Closer ch'ellu s'assumigliava à Sylvester Stallone : « *son parcours, au fond, est le même que le mien. Nous avons des origines modestes, avons été propulsés dans un monde qui n'était pas le nôtre.* ». Estrosi è Stallone, listessa lotta ? Iè iè, serà...

## SÒ CORSU, AGHJU U « DRAPEAU »



In cuncertu in Erbalonga (nò, ùn si dice micca « Erbalunga »...), u canterinu Calogero hà alzatu a bandera corsa nant'à a scena. Soca serà ch'è a testa di moru hà definitivamente

persu a so fiura ribella è suvversiva...

## CULTURA

Allan Théo, Chris di i G-Squad è Frank di i 2be3 (chjamati dinù « i topi fritti ») anu avutu a gattiva idea di riuniscesi per fà un gruppu, chjamatu Génération Boys Band. Simu male.



## MISOGINU

Ryan Babel hè un anzianu attaccante di l'Ajax d'Amsterdam è di Liverpool. Persu in l'Emirati Arabi Uniti, s'anterba certe volte anch'ellu nant'à Twitter. À una zitella chì u stuzzicava, li risponde : « *Occupati appena di fà cresce i to petti piuttosto ch'è di parlà di ballò... Òn sì ch'è una donna, stà à a to piazza !* ». Uniti, vinceremu.



## I SELFIES SÒ DI PIÙ MURTALI CH'È E CAGNACCE



12 à 8 : hè u risultatu di u macciu smartphones vs. squali. U situ americanu Mashable hà cuntatu chì in u 2015, ci sò stati di più morti di disgraziati in traccia di fà un selfie (inciaccati da un trenu, scialbati in e scale o fulminati da a saetta chì hà culpitu un selfie stick...) ch'è di ghjente fraiata di manera murtale da e cagnacce.

## VIULENZA

30 feriti à l'accademia militare di West Point (Stati Uniti) per una battaglia di cuscini di fine d'annata...



## PLATINI, MEGLIU CH'È L'EUROMILLION

Michel Platini, presidente di l'UEFA hè messu in causa in un scandalu novu chì tocca a FIFA. Hè accusatu d'avè toccu dui milioni d'euri da a parte di Sepp Blatter. L'anzianu capimachja di a Juventus spiega ch'ellu hè si tratta d'una paga « *pour des travaux effectués entre janvier 1999 et juin 2002* ». Un travagliu di Platini à dui milioni d'euri. À stu prezzu, aspettemu a conclusione di u so raportu chì hà sicuramente da fà avanzà l'umanità.





# NEWS

iè, hè tuttu veru !



## HÈ HALLOWEEN TUTTI I GHJORNI

**Philippe de Villiers (nant'à RMC)** : «Moi je suis fier de la colonisation française et j'en ai marre de la culpabilisation»

**Valérie Pécresse (nant'à u so contu Twitter)** : «Ma patrie c'est la langue française». La charte des langues régionales & minoritaires n'a pas sa place ds la Constitution. L'indivisibilité de la République au-dessus de tout. C'est notre ciment. Pas d'autres langues dans la Constitution.»

**Gilbert Collard (nant'à France Inter)** : « On a très peu d'intellectuels capables de sortir d'un moule confortable. On l'a vu avec Jean Roucas, qui a été méprisé »

**Manuel Valls** à favore di vede ghjucà u Barça in u campionatu francese, si a Catalogna diventa indipendente : « Après tout, Monaco y joue, et bien... » (in Challenges). Hè forse u mumentu di dumandà di cambià di campionatu per i clubs corsi.

## IN TANTU, IN PARIGI...

Ritrattu : Lawra



## DA VEDE : Les Exilés, di Rinatu Frassati

Ùn mancate stu filmu s'ellu passa vicinu à ind'è voi. O survegliate a data di a futura diffusione à a tv. U



giovanu realizadore balaninu hà riesciutu a prova di fà un filmu nant'à Pasquale Paoli, cun pochi mezi, attori, tecnici è musicanti (iè ci hè una musica originale!) corsi. È una grande parte hè in lingua corsa. Ci vulia à falla. Complimenti !

## HÈ DETTA

François Modesto maneghja l'irunia. Dop'à l'eliminazione di Bastia contr'à Rennes in coppa di a lega, hà dichjaratu : « On va dire tant mieux parce que l'année dernière ça nous a coûté beaucoup d'argent ». L'arechje di certi averanu fischjatu...





**AMBIANZA È DECURAZIONE  
«HALLOWEEN» PÈ A RIUNIONE DI  
JOSÉ ROSSI IN I PERI.**

**« A STORIA CUNTINUVEGHJA »  
IÈ, MA QUALESSA ?**

In a piaghja di Sàrrula è Carcupinu (ch'ellu ci vole à prununzià avà « Sarrolat ») una cità nova sorte di terra. 1000 alloggi, è una zona commerciale di 44.000 m<sup>2</sup> (cun tutte l'insegne di i magazini) è un supermercatu di 9.000 m<sup>2</sup>. Avà u circondu aiaccinu s'assumiglia à n'importa chì periferia di cità francese. Corse-Matin parla d'un futuru « Plan de Campagne », st'orribile zona commerciale senza anima di e Bouches-du-Rhône. Per fà a prumuzione di stu tempiu di a cunsumazione, di sta meraviglia di mudernità, un grande pannellu dice chì quì, « a storia cuntinuveghja ». È in lingua nustrale in più di quessa. A glassa ! Ma... di chì storia parlemu ? A grande storia di l'acculturazione di u populu corsu ? O a grande storia mondiale di l'uniformizzazione di u pianeta ?

**Welcome to  
Sarrolat**



# NEWS

iè, hè tuttu veru !

## MACRON PRUTEGE U BÉTON È I PERMESSI DI CUSTRUISCE BIDONS


Pensate ch'ella cresce a cuscenza di a necessità di prutege a natura ? Andate ! Un articulu stranu di a lege Macron prutege e... custruzione illegale. Benoit Busson, avucatu specializatu in l'urbanisimu tira i salti : « *Quid des paillotes construites illégalement en Corse, ou encore des maisons érigées en terrain agricole qu'on ne pourra à l'avenir plus jamais faire démolir ?* » A scusa hè d'incuragisce l'attività economica. I speculatori mettenu un « j'aime ».



## A CORSICA, TERRA D'INEGUALITÀ

Eccu a carta di a precarietà in Corsica : e zone e più tucche sò quelle induve l'attività turistica hè a più sviluppata. « Ca va créer des emplois », dicia quellu !

Surgente : « *Panorama de la précarité et de la pauvreté en Corse* » ch'ellu si pò caricà nant'à u situ di a CTC [www.corse.fr](http://www.corse.fr)



## DA LEGHJE

Tè, hè forse u mumentu di leghje (o di turnà à leghje...) *Caotidianu*, u libru di Marceddu Jureczek (edizione bilingua, publicatu ind'è Matina Latina – Cismonte è Pumonti).

# CHARTS

## NOMI STRUPIATI



### LE CIRQUE DE LA SOLITUDE ET LE COL PERDU

Ma avà tuttu u mondu sà ch'elli si chjamanu I Cascittoni (o E Mute) è Bocca Tumasginesca.

## BALÉONNE

Rima cun « Talonne ». Un centru commerciale incu un Burger King e per 2017 un Leclerc di 9000 m<sup>2</sup>.



## JUNQUIDOU

U Ghjunchitu. Preferite a francisata o a fonetisazione di i nostri lochi ?

## L'OGGETTU DI U MESE

### A BUTTIGLIA DI BIERA À U VÉLODROME DI MARSEGLIA

Marseglia – Liò, 62<sup>mu</sup> minutu : a partita hè suspesa, Lopes u guardianu di l'OL s'hè ritruvatu à mezu à una pioggia di mullizzu lampatu da e tribune. Imaginate listessa scena in Furiani...



## U LONZU DI U MESE



Un tippu appena à l'oziu ghjucava à fassi piglià da u flash di un radar in Biguglia, in scooter. S'hè fattu piglià cusì 68 volte. Risultatu : 31150 euri d'amenda è avà, ci v'è à pedi.

## U TWEET DI U MESE

Ùn hè micca perchè si pò scrive solu 140 caratteri ch'ellu ùn ci vole à fà sbagli.



### J-F BACCARELLI

@JFBACCARELLI

*Arrêtons de vouloir ressemblé au autres notre culture est un bijoux*

10/08/2015 21:02



### J-F BACCARELLI

@JFBACCARELLI

*Je pense que la culture corse ne donne pas trop de chance au groupe qui ne chante pas traditionnelle il faudrait revoir cette situation*

10/08/2015 20:59




# Up and Down

A vita hè fatta à scala, à chì colla, à chì fala



**Doria.** È s'ella tuccava à e donne di discità u rock nustrale ? Doria Ousset hà surtitu u so album (ch'ellu si pò scaricà nant'à [doriaousset.com](http://doriaousset.com)) in cullaburazione cù u Corsica Sound. È face prò !



**Vrancis Cabrel.** U grande Vrancis canta Furtunatu in duppietta d'ex-mustacciuti, cun Petru Guelfucci nant'à u discu « Mezu Mezu ». Ancu si certi diceranu « ch'ellu era megliu nanzu », ùn hè mancu male !



**# Pigiati què.** Un contu Twitter, Facebook è Instagram chì manda unepochi di punchelines in corsu.



**Forse-Matin**  
A fundazione Umani è parecchi associ primurosi di a difesa di l'ambiu anu lanciatu u giornale Forse-Matin. Aspettemu u prussimu numeru ! Da caricà nant'à [ulevante.fr](http://ulevante.fr) è [afcumani.org](http://afcumani.org).



**Qwant.com**  
U primu motore di ricerca in lingua corsa, creatu da Eric Leandri. È in più rispetta a vostra vita privata, à a differenza di Google.



**Snoop Dogg**  
U rapper americanu hà dichjaratu ch'ellu hè statu a vittima d'un arrubecciu (soldi è giuelli) in u so albergu

di Portivechju, mentre ch'ellu facia u connu in buatta. Ma i gendarmi ùn anu pussutu cunfirmà, chì a securità di l'americanu l'anu impeditu d'entre in a so stanza. Thug life.



**The Bay Festival.** Hè statu u feuilleton di l'estate. Un festivale di tecnò previstu da giovani manzi parigini duvia arregà 5000 persone in Corsica. Ma cun poca organizzazione, è senza autorizzazione. Fiascu tutale. Almenu, à elli ùn i videremu più.

D SIGNORE FATE VOI  
CHÌ SITE U PIÙ SUPRANU  
DATE U CERBELLU  
À QUELLI CHÌ ÒN NE ANU  
#PILATIQUÈ




315.000 TONE DI RUMENZULE À L'ANNU



30 MILIONI D'€ PÈ TRATTÀ STU MULLIZZU



ULTIMA REGIONE PÈ A VALURIZZAZIONE  
DI E RUMENZULE



CORSICA : 7% DI  
SCUMPARTIME

REGIONE  
"ZERO WASTE -  
ZERU FRAZU" : 82%

PRIMA REGIONE DI FRANZIA  
PÈ I RUMENZULAGHJI SALVATICHI



pubba





Disegnu : Dumenica Fumaroli

## The Corsican Consumerism Dream

À noi altri Corsi, ùn ci piacenu micca i « clichés », ma ci piace d'esse allisciati cumu certi a sanu fà. Semu cuntenti di senteci di ch'è no sariam un populu « autenticu », ribellu, muntagnolu, attaccatu à a so identità, à a so lingua, è à unepochi di « valori ». A nazione, a tradizione ! Ah iè ? Ci pare sopr'à tuttu chì a Corsica hè u paradisu di a cunsumazione. A prova.

### Sigarette

A Corsica hè campione pè a cunsumazione di sigarette ind'è i giovani (38 %). Serà perch'elle sò menu care ch'è in cuntinente (TVA menu alta). Hè a strategia di l'impuzzicheghju, cum'è l'Americani l'anu fatta per l'Indiani.

### À populu fattu bisognu à cumprà

Certe marche di a grande distribuzione è di fast-food rivendicheghjanu d'avè i so più grandi magazzini in Corsica. Ùn pudiamu avè « a più grande biblioteca » o « u più grande sinemà »... Ùn pudiamu avè non più infrastrutture spurtive o di trasporti degni di stu nome. Innò. Noi, semu campioni di i centri cummerciali. A nostra passione, hè a cunsumazione.



## Obesità di i giovani

A Corsica hè una di e regione induve l'obesità di i zitelli hè a più forte (21% ind'è noi, 18% di media in Francia).

## Corsica Uniformizzazione

A pupulazione cresce, e cummune di piaghja si sviluppanu. Sò cità nove chì sò surtite di terra st'ultimi quindici anni. Ma l'urbanizzazione, mal pensata, si face n'importa cumu. Da per tuttu, i listessi cummerci, e listesse case, i listessi magazzini... In giru à voi, per ste piaghje, hè u listessu paisaghju ch'è n'importa chì periferia d'Auropa.

## Disneyland paese corsu

Tutte l'agence di viaghju a diceranu : Disneyland hè a destinazione numeru unu di i Corsi. È micca solu pè i zitelli. U sognu americanu sin'à a fine...

## L'île du mullizzu

315.000 tone à l'annu di rumenzule, è un ritardu tremendu per ciò chì tocca à a valorizzazione di u mullizzu : a « raccolta selettiva » rapresenta solu 7% di e rumenzule di e famiglie. Allora, tuttu hè interrattu in i centri di Tallone, Prunelli, Vicu... chì sò à tappu. Cumprà, cunsumà è imbruttà... è quale simu ?



## Fieri d'esse piaghjinchi

Hè finita a fola di l'anticu populu paisanu è muntagnolu. Oghje 80% di a pupulazione hè piaghjinca, dunque urbana è periurbana. Cumu puderà esse altrimenti, postu chì l'attività economica si face quì? Pianu pianu s'alluntaneghjanu i paesi, è sò di più in più numerosi l'abitanti di Corsica à ùn cunnosce l'internu...

## Vitture

« La bagnole, la télé, le tiercé c'est l'opium du peuple de France » cantava Renaud in u 1975. Hè u giornale Auto Plus chì a dice : « la Corse est en tête des achats de voitures neuves... 81 nouvelles voitures achetées pour mille habitants, contre seulement 31 pour mille sur le continent ». Hè a grisa per tutti, ma a vittura hè nova. Tuttu v'à bè.



## Lingua

3% di trasmissione famigliale. 20% di i liceani. Pocu contrastu cun e rivendicazioni martellate in permanenza. Tè, in fine di contu, è sì a lingua corsa ùn era più diventata ch'è quessa, una rivendicazione ?

## Tutti fratelli, tutti cunsumadori

Altru « record » nustrale : quelli di a più forte prupurzione di centru cummerciali per abitanti I Corsi sò i rè incuntestati di u caddie. È ùn ne avemu mai abbastanza, crescenu sempre !

## Femu a sbacca

E Corse è i Corsi sò i campioni di a moda. Sempre vestuti bè, mai à l'usu pumataghjescu. À ogni stagione e so marche. Ma di fatti, chì circhemu ? Esse à a moda ? O fà cum'è tutti l'altri ? Sott'à i vestiti, u cunfurmisimu...

## Sulidarità ?

23.000 disimpiegati, 60.000 precarii... A sucetà corsa s'aria differente di a sucetà francese, di più sulidaria... Ma in Corsica, a miseria si piatta. A « precarità energetica » tocca di più in più Corsi, in cità cum'è in paese. Certi passanu u so tempu à mughjà contr'à l'assistanatu, ma mai a sucetà corsa ùn hè stata cusì ineguale. A differenza trà i più ricchi è i più poveri hè più forte ch'è in Francia.



**S**i conta più di 300 castelli medievali in Corsica. Purtantu, stu patrimoniu è sta storia ricca fermanu sempre mal cunnisciuti. Spessu ùn ci fermanu ch'è ruvine, postu chì guasi tutte ste furtificazione sò state distrutte sia da a rivolta anti feudale di Sambucucciu d'Àlandu (1358), sia da i Ghjenuvesi chì facianu a guerra à i signori. Eccu una spassi-ghjatuccia à traversu sti lochi carichi di storia.



# Castelli di Corsica

2

**1. San Culumbanu (Ruglianu)** Cù u Pumonte, u Capicorsu era terra di signori. In Ruglianu si ponu sempre vede e ruvine impressunante di u castellu di San Culumbanu. Hè unu di i più antichi di Corsica (XI<sup>a</sup> seculu), è appartenia à a signuria Da Mare.

**2. Serravalle (Pratu di Ghjuvellina)** U castellu di Serravalle, situatu in a pieve di A Ghjuvellina, hè unu di i megliu cunservati di l'isula. Hè a pruprietà di i signori Amondaschi, chi tenianu a valle di Golu.

**3. Capula (Livia)** U situ di Capula hè unicu in Corsica : un'occupazione preistorica cù u situ di Cucuruzzu. È vicinu di questu quì si trovanu i resti di u castellu medievale di Capula. Appartenia à a signuria di i Biancolacci. Una storia millenaria...



**4. Cinarca (Casaglione)** Stu castellu appartenia à una di e signurie e più impurtante di a storia : i Cinarchesi. U so castellu principale supraneghja u golfu di Sagone. Ma ùn ferma più nunda : i Ghjenuvesi, in guerra contr'à elli, si sò appiegati per raschjà tuttu dop'à una terribile ripressione.

**5. Petrellerata (Zuani)** Trà Zuani è Pedicorti di Gaghju ci hè un pinzu induve i signori Cortinchi, una famiglia impurtante chì tenia u so territoriu da u venachese à a Casinca, avia fattu u so castellu. U locu hè impressunante, difficile d'accessu è inalpellatu.





3



1



7



4



6



5



8



9

1. San Culumbanu • 2. Serravalle (© Drac de corse) • 3. Capula (© JF Paccosi) • 4. Cinarca (© Daniel Istria) • 5. Petrellerata (© MAT) • 6. Covasina (© ventiseri.fr) • 7. Sia (© Alain Gauthier) • 8. Biguglia • 9. Lumitu (© G. Flores / Flickr) • 10. Palazzu Poghju.

**6. Cuvasina (Vintisari)** Situatu in Fiumorbu, si chjama dinù Castellu Alemanu o Castellu di Carlumagnu.

A legenda dice ch'ellu saria statu fundatu da un certu Truffetta, signore alemanu di Mayence, mandatu in Corsica da Carlu Magnu per cumbatte i Sarragini. Cusì dicenu i crunachisti, ma a storia hè sempre mal cunnisciuta...

**7. E Rocche di Sia (Ota)** U locu difensivu, nant'à un pentone appinzatu duvia prutege e Rocche di Sia, da i so nemichi. Ma i Ghjenuvesi anu finitu per lampà in pianu stu castellu di a signuria di Leca.

**8. Biguglia** Quant'ellu n'hà vistu u castellu di Biguglia ! Si trova sopr'à u paese attuale. À l'origine hè un castellu di i signori di Bagnaia. Diventa più tardi locu di residenza di i governatori ghjenuvesi, attaccatu più tardi da Vincentellu d'Istria, eppo dopu distruttu da l'armate di Ghjenuva.

**9. Lumitu (Scata)** U castellu di Lumitu in a pieve di l'Ampugnani era una furtificazione Cortinchi. D'appressu à a legenda, era unu di i lochi di una certa cuntessa Matilda. Òn si sà veramente s'ella hà esistitu in veru, ma a memoria popolare s'hè mantenuta.

**10. U Palazzu di u Poghju (Poghju di Venacu)** D'appressu à e cronache di Ghjuvanni della Grossa, saria statu u castellu d'Ugu Colonna. Stu conte miticu, principe rumanu, saria statu mandatu in Corsica ingiru à u IXu seculu per sbandisce i Sarragini. Òn serà forse ch'è una legenda, ma stu castellu, vicinu da Corti, hè sempre quì. •

u disegnu di Lawra • <http://lawra.fr>

L'Avrupèu Henri Malosse Scopre  
a pulitichella corsa.

LES URNES  
SONT  
PLEINES  
AVANT LES  
ELECTIONS?

OUI, MAIS ON LES  
JETTE À LA MER SANS  
LES OUVRIR, ET APRÈS,  
C'EST LE PLUS FORT  
QUI GAGNE. UNE  
COUTUME DE CHEZ NOUS.



Asterix in Corsica : era dunque vera

## Nant'à internet



apiazzetta.com  
60 000 visitatori à mese



18 800 fans



9 800 followers  
@apiazzetta



1.500 abbonati

Avete l'appli ?



Site digià 20 000 !

(iPhone, iPad,  
Android, WP7)

**A Piazzetta** hè un giornale gràtisi chì esce tutti i trè mesi, publicatu grazie à u premiu Ghjovani in Mossa, l'Università di Corsica, a Corsica Ferries è a Fondazione di Corsica. I soldi raccolti da e pubblicità è da l'aiuti ci permettenu di pagà unicamente l'impressione di stu giornalettu.

Hè editatu da : L'Associu Lingua Scritta -  
1, carrughju Canònicu Bartoli - 20200 Bastia  
Hè statu stampatu in Corsica à 15 000 esemplarii.  
Stamperia AZ Diffusion - Erbaghjolu - 20600 Bastia  
Capiredattore : PPC - Redazione : PPC, AZ, MTG -  
Infograffista : PFC, FR, VB - Macchetta : PFC, VB  
ISSN : 2101-9193 - www.apiazzetta.com

In cuprendula : « Cunsunerisimu », opera di Marcellu Lepidi Acquaviva. Acrilicu nant'à legnu, 100x80 cm. Seguitatelu nant'à a so pagina [www.facebook.com/Lepidicorsica](http://www.facebook.com/Lepidicorsica)

Per avè a vostra pubblicità in u giornale, cuntattate à Sarah :  
sarah@apiazzetta.com - 06 69 23 19 30

## Susteniteci !

Abbonamentu :  4 nùmeri, 15 €  sustegnu, 30 €

Cummandà i vechji nùmeri :  20 €

Mandate u vostru sceccu à l'ordine di :

Associu Lingua Scritta - 1, carrughju Canònicu Bartoli - 20200 Bastia

Nome \_\_\_\_\_

Casata \_\_\_\_\_

Indirizzu \_\_\_\_\_

Còdice postale \_\_\_\_\_

Cità/Paese \_\_\_\_\_

www.omi-e-lochi.com

tradizioni | legende | proverbi | canni | storie  
cultura popolare | parole di famichi | lingua

usi

Collezione di DVD

**Parolle d'Eri**

f Omi & Lochi

Site in casa vostra !

**VITO**  
COARSE

VITO. Vous êtes chea vous.



# Parolle d'oghje

## U lessicu 2015

S'è vo ùn l'avete ancu intese, ùn tricherete tantu. Parolle nove n'avemu bisognu da sprime a realtà cumplessa di a Corsica oghjinca cun eleganza è spìritu. Eccu dunque un estrattu di u picculu dizziunariu di A Piazzetta. (Da Zenbucucciu)

### Fiffà, infiffà /v/



Dà o mantene à u putere una mansa di vechjoni currotti o di giovani cinichi (o u cuntrariu). *I puveracci, cercanu un appoghju o una piazza è infiffanu.*



Sviluppà un paese cun oliu da brunzà (energia) è DJs vestiti di camisge frisgiulate (cultura). *Certe isule assulanate chì ùn anu nè petroliu nè idee, ibizeghjanu.*



### Giffi(-sce) /v/

Sfugàssi u sabatu dopu meziornu cumprendusi un incrochju ghjittivele in u magazinone goffu (ma induve si pò garà a vittura). *Giffiscu spessu cù Jessie, tempu surtitu di u fast food.*

### Furiani, infuriati (-sce) /v/

Distrughje un rond-point da manifestà una zerga santa. *A mo televisìo hè cascata in panna di colpu mi sò infurianitu.*



### Giacobbì (-sce) /v/

Approvà un testu o signà un cuntrattu senza leghje o capisce ciò chì hè scrittu. *Anu giacubbitu è avà pienghjenu quelli chì sunniavanu di una Corsica di u XXI<sup>mu</sup> seculu.*  
Sinònimu : padduccà.

### Muvrinì, mufrinì (-sce), /v/

Luttà contra a viulenza è salvà u mondu cantendu o ballendu un slow. *Sì tutti l'omi mufrinissinu, a vita seria dolce cum'è un pilù gigante.*

### Hellokittì, ellochittì (-sce si)/v/

Amullisce u cerbellu d'un zitellu rigalenduli un saccu, un t-shirt o un biscottu d'anniversariu cù u disegnu di quella misgiuccia giapponese, bianca cù un fiucchettu rossu in capu. *Dipoi chì i maiò ellochittiscenu, in scola i sumeri miauleghjanu.*

